

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1272/24  
Sarajevo, 12.6.2024. godine

**Z A P I S N I K**  
**9. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 12.6.2024. godine**

Sjednica je počela sa radom u 12 sati i 24 minute.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, delegatkinje, predstavnike Vlade Federacije BiH i predstavnike medijskih kuća.

Izostanak sa sjednice najavili su Jelena Pekić, Duško Radun i Dragana Damjanović.

Prema evidenciji Stručne službe, sjednici prisustvuju 62 delegata, što čini većinu, pa Dom naroda može raditi i punopravno odlučivati.

Predsjedavajući je potom delegatima saopštio prijedlog Kolegija da se zbog obaveza delegata i delegatkinja u toku dana preskoči dio vezan uz postavljanje pitanja i upućivanje inicijativa, te napomenuo da će uskoro biti održana još jedna redovna sjednica.

Vlada Federacije BiH je svojim aktom zatražila da se u dnevni red sjednice uvrste sljedeće tačke:

- Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Drugi projekt podrške zapošljavanja,
- Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju projekta Gradski prijevoz u Sarajevu – B i
- Informacija o aktivnostima u postupku izdavanja energetske dozvole za izgradnju VE „Škadimovac“ privrednog društva “RWP Vitorog” d.o.o. Glamoč sa prijedlogom Zaključka.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz 12 uzdržanih glasova i uz jedan glas protiv, prihvatio da se u dnevni red sjednice uvrsti tačka - Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Drugi projekt podrške zapošljavanja.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz 17 uzdržanih glasova i bez glasova protiv, prihvatio da se u dnevni red sjednice uvrsti tačka - Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju projekta Gradski prijevoz u Sarajevu – B.

Na osnovu rezultata glasanja, predsjedavajući je konstatovao da je Dom naroda, sa 53 glasa za, uz 11 uzdržanih glasova i bez glasova protiv, prihvatio da se u dnevni red sjednice uvrsti tačka - Informacija o aktivnostima u postupku izdavanja energetske dozvole za izgradnju VE „Škadimovac“ privrednog društva “RWP Vitorog” d.o.o. Glamoč sa Prijedlogom Zaključka.

Nakon toga, predsjedavajući je, na osnovu člana 188. Poslovnika o radu Doma naroda, dao na glasanje prijedlog da se Prijedlog Zakona o izmjeni i dopuni Zakona o penzijskom i invalidskom osiguranju razmatra po hitnom postupku.

**Haris Zahiragić** je, u ime Zakonodavno-pravne komisije, iznio stav Komisije da za donošenje ovog zakona ne postoji hitnost te da smatraju da se ovaj zakon treba razmatrati po redovnoj proceduri.

U raspravi su učestvovali: Aida Obuća, Arman Zalihić, Adnan Delić, Muamer Zukić i Haris Zahiragić.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz sedam uzdržanih glasova i uz 10 glasova protiv, prihvatio da se Prijedlog Zakona o izmjeni i dopuni Zakona o penzijskom i invalidskom osiguranju razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz sedam uzdržanih glasova i uz 10 glasova protiv, prihvatio da se Prijedlog Zakona o izmjenama i dopuni Zakona o izdavanju i usmjeravanju dijela prihoda poduzeća ostvarenog korištenjem hidroakumulacijskih objekata razmatra po skraćenom postupku.

Nakon toga, pristupilo se glasanju o razmatranju Prijedloga Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama po skraćenom postupku (predlagač: Iva Raguž, delegatkinja u Domu naroda).

Na osnovu rezultata glasanja, predsjedavajući je konstatovao da je Dom naroda, sa 56 glasova za, uz četiri uzdržana glasa i uz tri glasa protiv, prihvatio da se Prijedlog Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama razmatra po skraćenom postupku (predlagač: Iva Raguž, delegatkinja u Domu naroda).

Potom se pristupilo glasanju o dnevnom redu.

Predsjedavajući je konstatovao da je Dom naroda, sa 51 glasom za, uz 11 uzdržanih glasova i uz dva glasa protiv, prihvatio sljedeći:

## DNEVNI RED

1. Prijedlog Zakona o izmjeni i dopuni Zakona o penzijskom i invalidskom osiguranju - hitni postupak,
2. Prijedlog Zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata – skraćeni postupak,
3. Prijedlog Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama (predlagač: Iva Raguž, delegatkinja u Domu naroda) - skraćeni postupak,
4. Nacrt Zakona o likvidacijskom postupku,
5. Strategija za prevenciju i borbu protiv nasilja u porodici 2024. – 2027. godina,
6. Prijedlog Odluke o pristupanju izradi regulacionog plana Štrbački buk na period deset godina,
7. Prijedlog Odluke o pristupanju izradi regulacionog plana historijskog gradskog područja Jajce na period deset godina,
8. Prijedlog Odluke o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije BiH sa sjedištem u Sarajevu,
9. Prijedlog Odluke o prihvaćanju dodatnog zaduženja po Sporazumu o zajmu između BiH i OPEC Fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak,
10. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Drugi projekt podrške zapošljavanja,
11. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju projekta Gradski prijevoz u Sarajevu – B,
12. Informacija o aktivnostima u postupku izdavanja energetske dozvole za izgradnju VE „Škadimovac“ privrednog društva “RWP Vitorog” d.o.o. Glamoč sa prijedlogom Zaključka.
13. Informacija o aktivnostima u postupku izdavanja energetske dozvole za izgradnju fotonaponske elektrane „Lena 1“ od privrednog društva „Solar Lena“ d.o.o. Grude sa prijedlogom Zaključka i Informacija o aktivnostima u postupku izdavanja energetske dozvole za izgradnju fotonaponske elektrane „Lena 2“ od privrednog društva „Solar Lena“ d.o.o. Grude sa prijedlogom Zaključka,

14. Prijedlog Odluke o davanju prethodne saglasnosti za kreditno zaduženje „JP Elektroprivreda BiH“ d.d. Sarajevo kod Evropske banke za obnovu i razvoj (EBRD) za realiziranje Projekta „Izgradnja fotonaponske elektrane Gračanica 1 (FNE Gračanica 1) i fotonaponske elektrane Gračanica 2 (FNE Gračanica 2)“,
15. Prijedlog Rezolucije o zaštiti i unapređenju kvaliteta zraka u zatvorenom prostoru u Federaciji BiH (predlagač: Sanela Klarić, delegatkinja u Domu naroda),
16. Zaključci sa zajedničke Tematske sjednice o „Institucionalnom odgovoru na nasilje u porodici i nasilja nad ženama“,
17. Izbor i imenovanja:
  - a) Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH,
  - b) Prijedlog Odluke o izboru članova u Parlamentarnu komisiju odgovornu za reviziju,
  - c) Prijedlog Odluke o imenovanju zamjenika direktora Agencije za bankarstvo Federacije BiH,
  - d) Prijedlog Odluke o imenovanju kandidata za članove Regulatorne komisije za energiju u Federaciji BiH,
  - e) Prijedlog Odluke o izmjeni Odluke o izboru članova Vijeća nacionalnih manjina Federacije BiH.

## **1. Prijedlog Zakona o izmjeni i dopuni Zakona o penzijskom i invalidskom osiguranju - hitni postupak**

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 11. sjednici, održanoj 28.5. i 29.5.2024. godine, usvojio Prijedlog Zakona o izmjeni i dopuni Zakona o penzijskom i invalidskom osiguranju u tekstu kako ga je predložila Vlada Federacije BiH.

Prijedlog Zakona obrazložio je Adnan Delić, federalni ministar rada i socijalne politike.

U raspravi su učestvovali: Fatima Gavrankapetanović-Smailbegović, Senad Alić, Haris Zahiragić, Adnan Delić i Muamer Zukić.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz tri uzdržana glasa i uz dva glasa protiv, usvojio Prijedlog Zakona o izmjeni i dopuni Zakona o penzijskom i invalidskom osiguranju.

## **2. Prijedlog Zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata – skraćeni postupak**

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 11. sjednici, održanoj 28.5. i 29.5.2024. godine usvojio Prijedlog Zakona o izmjenama i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata sa jednim amandmanom koji je Vlada Federacije BiH prihvatila, pa je postao sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložio je Hamid Suljović, pomoćnik federalnog ministra prostornog uređenja.

U raspravi je učestvovao Ivica Pavković.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz tri uzdržana glasa i bez glasova protiv, usvojio Prijedlog Zakona o izmjeni i dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata.

### **3. Prijedlog Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama** (predlagač: Iva Raguž, delegatkinja u Domu naroda) - skraćeni postupak

Predstavnički dom je obavijestio Dom naroda da je na 11. sjednici usvojio Prijedlog Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama u tekstu kako ga je predložio predlagač Slaven Raguž, zastupnik u Predstavničkom domu.

Tekst Prijedloga Zakona delegatkinje Ive Raguž je istovjetan tekstu Prijedloga Zakona zastupnika Slavena Raguža.

Prijedlog Zakona razmatrala su i nadležna radna tijela.

U raspravi niko nije učestvoovao.

Na osnovu rezultata glasanja, predsjedavajući je konstatovao da je Dom naroda, sa 45 glasova za, bez uzdržanih glasova i bez glasova protiv, usvojio Prijedlog Zakona o dopunama Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

### **4. Nacrt Zakona o likvidacijskom postupku**

Vlada Federacije BiH uputila je u parlamentarnu proceduru tekst Nacrta Zakona, a Predstavnički dom je obavijestio Dom naroda da je na 11. sjednici razmatrao Nacrt Zakona o likvidacijskom postupku i Zaključkom ga prihvatio.

Nacrt Zakona upućen je u javnu raspravu.

Nacrt Zakona obrazložio je Damir Šapina, pomoćnik ministra Vedrana Škobića.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 48 glasova za, bez uzdržanih glasova i bez glasova protiv, usvojio sljedeći:

## ZAKLJUČAK

1. Dom naroda Parlamenta Federacije BiH prihvata Nacrt Zakona o likvidacijskom postupku i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu u trajanju 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.

### **5. Strategija za prevenciju i borbu protiv nasilja u porodici 2024. – 2027. godina**

Tekst Strategije je utvrdila Vlada Federacije BiH.

Predstavnički dom je obavijestio Dom naroda da je na 11. sjednici, održanoj 28.5. i 29.5.2024. godine, donio Strategiju za prevenciju i borbu protiv nasilja u porodici.

Strategiju je obrazložila Ana Vuković.

U raspravi su učestvovali: Marina Mujkanović, Iva Raguž, Miomirka Melank, Silva Banović, Almir Babajić i Tomislav Martinović.

Na osnovu rezultata glasanja, predsjedavajući je konstatovao da je Dom naroda, sa 46 glasova za, bez uzdržanih glasova i bez glasova protiv, donio Strategiju za prevenciju i borbu protiv nasilja u porodici 2024. – 2027. godina.

### **6. Prijedlog Odluke o pristupanju izradi regulacionog plana Štrbački buk na period deset godina**

Prijedlog Odluke dostavila je Vlada Federacije BiH.

Predstavnički dom je obavijestio Dom naroda da je na 11. sjednici donio Odluku o pristupanju izradi regulacijskog plana Štrbački buk na period deset godina.

Prijedlog Odluke obrazložila je Hanka Mušinbegović, pomoćnica federalnog ministra prostornog uređenja u Sektoru za prostorno planiranje.

U raspravi je učestvovao Emir Dautović.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz jedan uzdržani glas i bez glasova protiv, usvojio Prijedlog Odluke o pristupanju izradi regulacionog plana Štrbački buk na period deset godina.

### **7. Prijedlog Odluke o pristupanju izradi regulacionog plana historijskog gradskog područja Jajce na period deset godina**

Tekst Prijedloga Odluke utvrdila je Vlada Federacije BiH.

Predstavnički dom je obavijestio Dom naroda da je na 11. sjednici donio Odluku o pristupanju izrade regulacionog plana historijskog gradskog područja Jajce.

Na Prijedlog Odluke delegat Ivo Šimunović podnio je amandman.

Amandman je, također, dostavljen Vladi Federacije BiH na izjašnjenje.

Vlada je dostavila izjašnjenje kojim ne prihvata ovaj amandman.

Prijedlog Odluke obrazložio je predstavnik Vlade Federacije BiH.

U raspravi je učestvovao Ivo Šimunović.

Na osnovu rezultata glasanja, predsjedavajući je konstatovao da je Dom naroda, sa 49 glasova za, bez uzdržanih glasova i bez glasova protiv, usvojio Prijedlog Odluke o pristupanju izradi regulacionog plana historijskog gradskog područja Jajce na period deset godina.

### **8. Prijedlog Odluke o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije BiH sa sjedištem u Sarajevu**

Vlada Federacije BiH dostavila je Parlamentu Federacije BiH tekst Prijedloga Odluke o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije BiH sa sjedištem u Sarajevu.

Predstavnički dom obavijestio je Dom naroda da je na 11. sjednici donio Odluku o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije BiH sa sjedištem u Sarajevu.

Prijedlog Odluke obrazložio je Ahmet Baljić, direktor Fonda za profesionalnu rehabilitaciju i zapošljavanje osoba sa invaliditetom.

U raspravi je učestvovala Iva Raguž.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 46 glasova za, bez glasova protiv i uz dva uzdržana glasa, donio Odluku o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije BiH sa sjedištem u Sarajevu.

**9. Prijedlog Odluke o prihvatanju dodatnog zaduženja po Sporazumu o zajmu između BiH i OPEC Fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak**

Tekst Prijedloga Odluke dostavila je Vlada Federacije BiH.

Odluku je podržao i Predstavnički dom Parlamenta Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz jedan uzdržani glas i uz dva glasa protiv, donio Odluku o prihvatanju dodatnog zaduženja po Sporazumu o zajmu između BiH i OPEC Fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak.

**10. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj za Drugi projekt podrške zapošljavanja**

Tekst Prijedloga Odluke utvrdila je Vlada Federacije BiH.

Predstavnički dom obavijestio je Dom naroda da je na nastavku 10. sjednice, održane 22.4.2024. godine, donio Odluku o prihvatanju zaduženja po Sporazumu o zajmu između BiH i Međunarodne banke za obnovu i razvoj za Drugi projekt podrške zapošljavanja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za, uz pet uzdržanih glasova i bez glasova protiv, donio Odluku o prihvatanju zaduženja po Sporazumu o zajmu između BiH i Međunarodne banke za obnovu i razvoj za Drugi projekt podrške zapošljavanja.

**11. Prijedlog Odluke o prihvatanju zaduženja po Sporazumu o finansiranju između BiH i Evropske investicione banke za realiziranje Projekta gradski prijevoz u Sarajevu - B**

Tekst Prijedloga Odluke utvrdila je Vlada Federacije BiH.



Predstavnički dom je prihvatio ovaj prijedlog Odluke na nastavku 10. sjednice, održane 22.4.2024. godine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz pet uzdržanih glasova i bez glasova protiv, donio Odluku o prihvatanju zaduženja po Sporazumu o finansiranju između BiH i Evropske investicione banke za realiziranje Projekta gradski prijevoz u Sarajevu - B.

## **12. Informacija o aktivnostima u postupku izdavanja energetske dozvole za izgradnju vjetroelektrane „Škadimovac“ privrednog društva „RWP Vitorog“ d.o.o. Glamoč sa prijedlogom Zaključka**

Informaciju je utvrdila Vlada Federacije BiH i dostavila je Parlamentu Federacije BiH.

Vlada je dostavila prijedlog Zaključka o davanju prethodne saglasnosti u postupku izdavanja energetske dozvole navedenom privrednom društvu.

Predstavnički dom Parlamenta Federacije BiH obavijestio je Dom naroda da je na nastavku 10. sjednice, održane 22.4.2024. godine, razmatrao Informaciju o aktivnostima u postupku izdavanja energetske dozvole za izgradnju vjetroelektrane „Škadimovac“ privrednog društva „RWP Vitorog“ d.o.o. Glamoč sa prijedlogom Zaključka.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz dva uzdržana glasa i bez glasova protiv, prihvatio sljedeći:

### **ZAKLJUČAK**

#### **o davanju prethodne saglasnosti u postupku izdavanja energetske dozvole privrednom društvu „RWP Vitorog“ d.o.o. Glamoč**

##### **I.**

Daje se prethodna saglasnost Federalnom ministarstvu energije, rudarstva i industrije u postupku izdavanja energetske dozvole privrednom društvu „RWP Vitorog“ d.o.o. Glamoč za izgradnju vjetroelektrane „Škadimovac“ instalirane nazivne snage 110 MW (22X5 MW), odobrene snage priključenja 110 MW i planirane godišnje proizvodnje električne energije od 320 GWh, koja se planira graditi na planinskom području brda Škadimovac na području općine Glamoč.

##### **II.**

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i

rekonstrukciju postojećih proizvodnih postrojenja („Službene novine Federacije BiH“, br. 27/14) na izdavanju energetske dozvole iz tačke I. ovog zaključka.

### III.

Ovaj zaključak stupa na snagu narednog dana od dana objavljivanja u „Službenim novinama Federacije BiH“.

## **13. Informacija o aktivnostima u postupku izdavanja energetske dozvole za izgradnju fotonaponske elektrane „Lena 1“ od privrednog društva „Solar Lena“ d.o.o. Grude sa prijedlogom Zaključka i Informacija o aktivnostima u postupku izdavanja energetske dozvole za izgradnju fotonaponske elektrane „Lena 2“ od privrednog društva „Solar Lena“ d.o.o. Grude sa prijedlogom Zaključka**

Informaciju je utvrdila Vlada Federacije BiH.

Predstavnički dom Parlamenta Federacije BiH je na 11. sjednici, održanoj 28.5. i 29.5.2024. godine, razmatrao ovu informaciju.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz jedan uzdržani glas i bez glasova protiv, prihvatio sljedeći:

### **ZAKLJUČAK**

#### **o davanju prethodne saglasnosti u postupku izdavanja energetske dozvole privrednom društvu „Solar Lena“ d.o.o. Grude**

##### **I.**

Daje se prethodna saglasnost Federalnom ministarstvu energije, rudarstva i industrije u postupku izdavanja energetske dozvole privrednom društvu „Solar Lena“ d.o.o. Grude za izgradnju fotonaponske elektrane „Lena 1“ instalirane nazivne snage 75 MW, odobrene snage priključenja 75 MW, planirane godišnje proizvodnje električne energije od 101.731 MWh, koja se planira graditi na lokalitetu Miljkovići, Grad Mostar.

##### **II.**

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, br. 27/14) na izdavanju energetske dozvole iz tačke I. ovog zaključka.

##### **III.**

Ovaj zaključak stupa na snagu narednog dana od dana objavljivanja u „Službenim novinama Federacije BiH“.

Također, u okviru ove tačke Dom naroda je donio i:

## **ZAKLJUČAK**

### **o davanju prethodne saglasnosti u postupku izdavanja energetske dozvole privrednom društvu "Solar Lena" d.o.o. Grude za izgradnju fotonaponske elektrane "Lena 2"**

#### **I.**

Daje se prethodna saglasnost Federalnom ministarstvu energije, rudarstva i industrije u postupku izdavanja energetske dozvole privrednom društvu „Solar Lena“ d.o.o. Grude za izgradnju fotonaponske elektrane „Lena 2“ instalirane nazivne snage 75 MW, odobrene snage priključenja 75 MW, planirane godišnje proizvodnje električne energije od 104.256 MWh, koja se planira graditi na lokalitetu Pologa, Grad Mostar.

#### **II.**

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, br. 27/14) na izdavanju energetske dozvole iz tačke I. ovog zaključka.

#### **III.**

Ovaj zaključak stupa na snagu narednog dana od dana objavljivanja u „Službenim novinama Federacije BiH“.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz dva uzdržana glasa i uz jedan glas protiv, prihvatio Zaključak o davanju prethodne saglasnosti u postupku izdavanja energetske dozvole privrednom društvu "Solar Lena" d.o.o. Grude za izgradnju fotonaponske elektrane "Lena 2".

### **14. Prijedlog Odluke o davanju prethodne saglasnosti za kreditno zaduženje „JP Elektroprivreda BiH“ d.d. Sarajevo kod Evropske banke za obnovu i razvoj (EBRD) za realizaciju Projekta „Izgradnja fotonaponske elektrane Gračanica 1 (FNE Gračanica 1) i fotonaponske elektrane Gračanica 2 (FNE Gračanica 2)“**

Tekst Prijedloga Odluke utvrdila je Vlada Federacije BiH.

Predstavnički dom Parlamenta Federacije BiH je na 11. sjednici razmatrao ovaj prijedlog Odluke.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz jedan uzdržani glas i bez glasova protiv, donio Odluku o davanju prethodne saglasnosti za kreditno zaduženje „JP Elektroprivreda BiH“ d.d. Sarajevo kod Evropske banke za obnovu i razvoj (EBRD) za realizaciju Projekta „Izgradnja

fotonaponske elektrane Gračanica 1 (FNE Gračanica 1) i fotonaponske elektrane Gračanica 2 (FNE Gračanica 2)“.

### **15. Prijedlog Rezolucije o zaštiti i unapređenju kvaliteta zraka u zatvorenom prostoru u Federaciji BiH**

Tekst Prijedloga Rezolucije utvrdila je Sanela Klarić, delegatkinja u Domu naroda. Prijedlog Rezolucije je dostavljen Vladi Federacije BiH radi davanja mišljenja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz jedan uzdržani glas i bez glasova protiv, donio Rezoluciju o zaštiti i unapređenju kvaliteta zraka u zatvorenom prostoru u Federaciji BiH.

### **16. Zaključci sa Zajedničke tematske sjednice o „Institucionalnom odgovoru na nasilje u porodici i nasilje nad ženama“**

Zaključke sa zajedničke Tematske sjednice dostavila je Komisija za jednakopravnost spolova, Komisija za ljudska prava i slobode Doma naroda Parlamenta Federacije BiH, komisije za rodnu ravnopravnost oba doma Parlamenta Federacije i Komisija za sigurnost Predstavničkog doma Parlamenta Federacije BiH.

Predstavnički dom obavijestio je Dom naroda da je na 11. sjednici, održanoj 28.5. i 29.5.2024. godine usvojio Zaključke sa Zajedničke tematske sjednice o „Institucionalnom odgovoru na nasilje u porodici i nasilje nad ženama“.

Zaključke sa Zajedničke tematske sjednice obrazložila je Miomirka Melank, predsjednica Komisije za ljudska prava.

U raspravi su učestvovali Ivana Šaravanja-Zrimšek i Emir Dautović.

Na osnovu rezultata glasanja, predsjedavajući je konstatovao da je Dom naroda, sa 45 glasova za, bez uzdržanih glasova i bez glasova protiv. prihvatio sljedeće zaključke:

1. Zadužuje se Gender centar Federacije BiH da kao savjetodavno tijelo Vlade Federacije BiH i koordinator Koordinacijskog tima za praćenje implementacije preporuka Komiteta potpisnica Konvencije Vijeća Evrope o sprečavanju i borbi protiv nasilja nad ženama i nasilja u porodici i Komiteta eksperata GREVIO u Federaciji BiH da pripremi pregled preporuka sa ciljem informiranja delegata u Parlamentu Federacije BiH o obavezama i smjernicama za djelovanje i otklanjanje sistemskih nedostataka u sprečavanju i borbi protiv nasilja u porodici.  
Gender centar Vlade Federacije BiH se zadužuje na redovno godišnje izvještavanje Parlamenta Federacije BiH o postignutom napretku u primjeni ovih preporuka.  
Rok april-maj 2024. godine.
2. Zahtijeva se hitna izrada i usvajanje pravnog okvira za sprečavanje nasilja u porodici i nasilja nad ženama koje podrazumijeva Zakon o zaštiti od nasilja

u porodici, Krivični zakon i Zakon o krivičnom postupku Federacije BiH usaglašen sa Konvencijom Vijeća Evrope o zaštiti djece od seksualnog iskorištavanja i seksualnog zlostavljanja i Konvencijom Vijeća Evrope o sprečavanju i borbi protiv nasilja nad ženama i nasilja u porodici (Istanbulska konvencija), te preporukama Komiteta potpisnica Istanbulske konvencije i Komiteta eksperata GREVIO.

Rok: juni 2024. godine.

Zadužuje se Gender centar Vlade Federacije BiH za uspostavljanje polugodišnje koordinacije domaćih i međunarodnih institucija i organizacije u vezi sa aktivnostima na provođenju Strategije za prevenciju i sprječavanje nasilja u porodici 2024.-2027. godina, te preporuka Komiteta potpisnica Istanbulske konvencije i preporuka Komiteta eksperata GREVIO u Federaciji BiH.

Rok: do kraja 2024. godine.

3. Usvaja se prijedlog za održavanjem dvije zajedničke tematske sjednice četiri komisije Parlamenta Federacije BiH: komisije za jednokoprvnost spolova oba doma, Komisija za sigurnost Predstavničkog doma i Komisije za ljudska prava i slobode Doma naroda Parlamenta Federacije BiH sa fokusom na:
  - a) pravosudni odgovor na slučajeve nasilja u porodici uključujući odgovor policije, kao i izricanje, praćenje i provođenje mjera usmjerenih na počiniocce nasilja u porodici sa ciljem sprečavanja ponavljanja dijela nasilja,
  - b) pružanje sveobuhvatne podrške žrtvama nasilja u porodici uključujući posebno ranjive kategorije žena (Romkinje, migrantkinje, žene sa invaliditetom).

Rok: do kraja 2024. godine.

## **17. Izbor i imenovanja**

- a) **Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH**
- b) **Prijedlog Odluke o izboru članova u Parlamentarnu komisiju odgovornu za reviziju**
- c) **Prijedlog Odluke o imenovanju zamjenika direktora Agencije za bankarstvo Federacije BiH**
- d) **Prijedlog Odluke o imenovanju članova Regulatorne komisije za energiju u Federaciji BiH**
- e) **Prijedlog Odluke o izmjeni Odluke o izboru članova Vijeća nacionalnih manjina Federacije BiH**

- a) **Odluka o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH**

Predstavnički dom obavijestio je Dom naroda da je na 11. sjednici, održanoj 28.5. i 29.5.2024. godine donio Odluku o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH, kojom su za članove iz Predstavničkog doma izabrani: Dario Knezović, Damir

Nikšić, Dennis Gratz, Stipe Tokić i Alma Beganović a iz Doma naroda: Vildana Bešlija, Haris Zahiragić, Ivana Zrimšek-Šaravanja, Dragan Konta i Žarko Vujović.

Zajedničku komisiju vode predsjednik i zamjenik predsjednika Komisije, koji se na položaju predsjednika rotiraju svakih šest mjeseci.

U ime Doma naroda izabrana je Vildana Bešlija za predsjednicu a za zamjenika predsjednika izabran je Dario Knezović, u ime Predstavničkog doma.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz tri uzdržana glasa i uz jedan glas protiv, prihvatio Prijedlog Odluke o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije BiH.

### **b) Prijedlog Odluke o izboru članova u Parlamentarnu komisiju odgovornu za reviziju**

Predstavnički dom obavijestio je Dom naroda da je na 11. sjednici, održanoj 28.5. i 29.5.2024. godine donio Odluku o izboru članova u Parlamentarnu komisiju odgovornu za reviziju.

U raspravi je učestvovala Amra Babić.

U Parlamentarnu komisiju odgovornu za reviziju iz Predstavničkog doma izabrani su: Elvir Karajbić, za zamjenika predsjednika Komisije, te Aner Žuljević, Mirjana Marinković-Lepić, Mirsad Zaimović, Petar Galić, Marijan Marinković, Admir Čavalić a iz Doma naroda; Tomislav Martinović, za predsjednika, te Damir Džeba, Slađan Ilić, Tomislav Mandić, Vesna Saradžić, Muamer Zukić i Dževad Hodžić.

Predsjednik i zamjenik predsjednika se na ovoj funkciji rotiraju svakih šest mjeseci.

Na osnovu rezultata glasanja, predsjedavajući je konstatovao da Dom naroda, sa 39 glasova za, uz osam uzdržanih glasova i uz jedan glas protiv, nije prihvatio Prijedlog Odluke o izboru članova u Parlamentarnu komisiju odgovornu za reviziju.

Predsjednik Kluba delegata hrvatskog naroda Damir Džeba zatražio je pojedinačno izjašnjavaње.

Poslije ponovljenog pojedinačnog glasanja, Odluka o izboru članova u Parlamentarnu komisiju odgovornu za reviziju je dobila potrebnu većinu (44 glasa za, pet uzdržanih glasova i jedan glas protiv).

### **c) Prijedlog Odluke o imenovanju zamjenika direktora Agencije za bankarstvo Federacije BiH**

Prijedlog Odluke dostavila je Vlada Federacije.

Predstavnički dom je obavijestio Dom naroda da je na 11. sjednici, održanoj 28.5. i 29.5.2024. godine, donio Odluku o imenovanju zamjenika direktora Agencije za bankarstvo Federacije BiH.

Komisija za izbor i imenovanje Doma naroda razmatrala je ovaj prijedlog i utvrdila Prijedlog Odluke o imenovanju zamjenika direktora Agencije za bankarstvo Federacije BiH, kojom se imenuje Jelka Milićević za zamjenika direktora Agencije za bankarstvo

Federacije BiH na period do isteka mandata zamjenika direktora koji je razriješen a koji je bio imenovan Odlukom Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz dva uzdržana glasa i uz jedan glas protiv, prihvatio Prijedlog Odluke o imenovanju zamjenika direktora Agencije za bankarstvo Federacije BiH.

#### **d) Prijedlog Odluke o imenovanju kandidata za članove Regulatorne komisije za energiju u Federaciji BiH**

Vlada Federacije BiH je Parlamentu Federacije BiH dostavila rješenje o imenovanju kandidata za članove Regulatorne komisije za energiju u Federaciji BiH kojom je za članove Komisije predložila Samira Hadžihusejnovića iz reda bošnjačkog naroda, Sanelu Pokrajčić iz reda hrvatskog naroda i Vesnu Marić iz reda srpskog naroda.

Predstavnički dom je obavijestio Dom naroda da je na 11. sjednici donio Odluku o imenovanju članova Regulatorne komisije za energiju u Federaciji BiH.

Komisija za izbor i imenovanja razmatrala je ovo rješenje i utvrdila Prijedlog Odluke o imenovanju članova Regulatorne komisije za energiju u Federaciji BiH da se za članove Regulatorne komisije za energiju u Federaciji BiH na mandatni period pet godina imenuju - Samir Hadžihusejnović iz reda bošnjačkog naroda, Sanela Pokrajčić iz reda hrvatskog naroda i Vesna Marić iz reda srpskog naroda.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz tri uzdržana glasa i uz jedan glas protiv, prihvatio Prijedlog Odluke o imenovanju kandidata za članove Regulatorne komisije za energiju u Federaciji BiH.

#### **e) Prijedlog Odluke o izmjeni Odluke o izboru članova Vijeća nacionalnih manjina Federacije BiH**

Predsjednica Vijeća nacionalnih manjina pokrenula je proceduru zamjene četiri člana Vijeća nacionalnih manjina za koju je nadležan Parlament Federacije BiH, odnosno komisije za zaštitu ljudskih prava i sloboda oba doma Parlamenta Federacije BiH.

Četiri člana Vijeća nacionalnih manjina: Violeta Džonlon, Dejan Pirovski, Velibor Kuvač i Davor Ebner podnijeli su neopozive kolektivne ostavke na svoje članstvo u ovom Vijeću.

Predstavnički dom je obavijestio Dom naroda da je na 11. sjednici donio Odluku o izmjeni Odluke o izboru članova Vijeća nacionalnih manjina Federacije BiH.

Komisija za izbor i imenovanja ovog doma razmatrala je ovaj prijedlog i utvrdila Prijedlog Odluke o izmjeni Odluke o izboru članova Vijeća nacionalnih manjina Federacije BiH.

Predloženi su novi članovi: Ivan Džolan - Rumun, Karolina Atagić - Poljakinja, Željka Stantić - Njemica i Sanja Levicki - Austrijanka.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz pet uzdržanih glasova i bez glasova protiv, prihvatio Odluku o izmjeni Odluke o izboru članova Vijeća nacionalnih manjina Federacije BiH.

Sjednica je završila sa radom u 15 sati i 4 minute.

Transkript sjednice čini sastavni dio Zapisnika.

SEKRETAR  
Izmir Hadžić

PREDSJEDAVAJUĆI  
Tomislav Martinović